

# **TEKS UCAPAN PERASMIAN**

**YANG BERBAHAGIA  
PROF. DATUK DR. SHAHRIN BIN SAHIB @  
SAHIBUDDIN, FASc  
NAIB CANSELOR UiTM**

**SAMBUTAN ISRAK MIKRAJ  
HOSPITAL AL-SULTAN ABDULLAH (HASA) UiTM  
DAN  
MAJLIS PELANCARAN HOSPITAL MESRA IBADAH**

**TARIKH : 2 FEBRUARI 2024  
MASA : 11.00 PAGI – 12.30 TENGAH HARI  
TEMPAT : AUDITORIUM 2,  
HOSPITAL AL-SULTAN  
ABDULLAH**

**Terima kasih Pengerusi Majlis.**

بِسْمِ اللَّهِ الرَّحْمَنِ الرَّحِيمِ

**1. Yang Berbahagia Prof Dr Sazzli Shahlan Kassim**

Menjalankan Fungsi Pengarah  
Hospital Al-Sultan Abdullah UiTM

**2. Yang Berbahagia Dato' Dr. Khalid Ibrahim**

Penasihat Jawatankuasa  
Hospital Mesra Ibadah HASA

**3. Yang Berusaha Prof. Madya Dr. Ahmad  
Izuanuddin Ismail**

Timbalan Pengarah Klinikal merangkap  
Pengerusi Jawatankuasa Hospital Mesra Ibadah

**4. Yang Berusaha Encik Mohd Firdaus Bin  
Muhamad**

Pemangku Pengurus Negeri,  
YaPEIM Negeri Selangor

**5. Barisan Pengurusan UiTM,**

**6. Ketua-ketua Jabatan, seterusnya tuan/puan yang dirahmati dan dikasihi sekalian.**

**السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ dan Salam sejahtera.**

1. Bersyukur ke hadrat Allah SWT, atas limpah dan kurnia-Nya, kita dapat berkumpul bersama mengimarahkan **Majlis Sambutan Israk dan Mikraj** serta **Pelancaran Hospital Mesra Ibadah Hospital Al-Sultan Abdullah UiTM** pada pagi Jumaat yang penuh barakah ini.

**Para hadirin sekalian,**

2. Seperti yang kita sedia maklum, hospital ini telah beroperasi bermula pada 5 April 2021. Belum sampai tempoh tiga tahun, HASA dilihat sangat komited mengembangkan operasi tanpa

mengabaikan aspek kerohanian dalam menyediakan fasiliti dan perkhidmatan kepada pesakit.

3. Universiti amat berbangga dan menghargai kesungguhan yang ditunjukkan oleh pihak pengurusan HASA dalam memastikan kebajikan pesakit, khususnya kepada pesakit yang beragama Islam untuk menunaikan ibadah.

4. Firman Allah SWT:

يُرِيدُ اللَّهُ بِكُمُ الْيُسْرَ وَلَا يُرِيدُ بِكُمُ الْعُسْرَ

Maksudnya:

*Allah mahukan kemudahan untuk kamu dan*

*Dia tidak mahukan kepayahan buat kamu.*

(Surah Al-Baqarah: 185)

Di dalam ayat yang lain, Allah SWT berfirman:

وَمَا جَعَلَ عَلَيْكُمْ فِي الدِّينِ مِنْ حَرَجٍ

Maksudnya:

*Dan tidaklah Allah menjadikan ke atas kalian kepayahan di dalam agama.*

(Surah Al-Hajj: 78)

5. Merujuk kepada kedua-dua firman Allah SWT ini, jelas menunjukkan syariat Islam sentiasa fleksibel mengikut keperluan seperti pesakit, orang musafir dan sebagainya. Agama Islam menyediakan rukhsah bagi orang yang sakit untuk menunaikan solat dalam keadaan duduk bagi yang tidak mampu berdiri; mengiring bagi yang tidak mampu duduk; berbaring bagi yang tidak mampu; dan bagi yang

tidak boleh berwuduk boleh digantikan dengan tayamum.

6. Konsep Hospital Mesra Ibadah yang telah diperkenalkan oleh Kementerian Kesihatan Malaysia sejak 2014 adalah satu konsep yang sangat wajar diaplikasikan di hospital-hospital pengajar universiti seperti HASA.

7. Semoga usaha menjadikan hospital ini sebagai hospital mesra ibadah tidak hanya tertumpu kepada aspek penyediaan kit ibadah pesakit, malah kakitangan hospital juga harus bersedia untuk membantu dan membimbing pesakit menunaikan ibadah. Ini bersesuaian dengan hadis daripada Jabir bin Abdullah RA, sabda Rasulullah SAW:

خَيْرُ النَّاسِ أَنْفَعُهُمْ لِلنَّاسِ

*“Sebaik-baik manusia adalah yang paling bermanfaat bagi orang lain.”*

**Hadirin yang dihormati,**

8. Universiti amat yakin, bahawa perancangan rapi telah disediakan menerusi penghasilan modul latihan dan *training of trainer's* (TOT) untuk meningkatkan bilangan petugas kesihatan terlatih dalam membimbing pesakit menunaikan ibadah.

9. Sehubungan dengan itu, kita amat mengharapkan sokongan berterusan daripada setiap warga untuk mencapai objektif ini, terutama dalam mencapai nilai-nilai kecemerlangan dan jati diri serta kesejahteraan pesakit.

10. Akhir kata, terima kasih dan tahniah diucapkan kepada semua yang terlibat menjayakan usaha ini. Semoga segala usaha murni kita ini akan dibalas dengan kebaikan.

11. Dengan lafaz بِسْمِ اللَّهِ الرَّحْمَنِ الرَّحِيمِ, Saya melancarkan **Hospital Mesra Ibadah Hospital Al-Sultan Abdullah, Universiti Teknologi MARA.**

**Sekian,**

وَبِاللَّهِ التَّوْفِيقُ وَالْهُدَايَةُ وَالسَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ